











potius esse independentis, & per compendiosam factam ipsi Octavio hereditatem acceptanti in casu mortis; Primo enim casu, data dependentia ad dicta prima substitutionem...

E converso autem, si hac secunda substitutione esset independentis, ac ita tenet effectus, & de per se facta ipsi Octavio, tunc dependentia esset, cum tanquam compendiosa contineretur, necdum vulgare, sed etiam fideicommissariam...

Pro independentia, quasi quod hac secunda concepta esset in diverso casu, in quo etiam Octavio acceptaret, ac postea orationes ponderabant scribentes in contrarium dupliciter...

Pro dependentia autem, ego econtra considerabam, quod hac secunda substitutione concepta esset per dictionem copulativam cum prima, & tanquam per speciem continuationis...

Ista generalia mihi non satisfaciebant, unde quando alia specialia non concurrent, dubitarem potius de iustibus istius partis; Licet enim, ut firmatur in ultima decisione...

Quae res aliena extra domini voluntatem, ut advertitur disprecedat, & sepius sub tit. de testamentis, super puncto sublinendi testamentum imperfecta, distinguendo inter imperfectionem solemnitatis, ac illam voluntatis; Attamen id recte procedit, ubi certum est voluntatem non suffragari, sed...

stat, quod recipiat latam, ac benignam interpretationem, per quam eligatur tutor via, qua mediante consulari suffragio animae testatoris, ejusque voluntas impleatur; Et ideo cum ageretur de causa pia, neque dubitari posset esse nimis dubium, an substitutio esset iuxta unam, vel alteram naturam...

Credendam tamen, etiam pro veritate, hanc secundam resolutionem ad favorem heredis, atque pro bonorum libertate substitueri ex illa particulari facti circumstantia, quod testatrix in casu quo Octavio hereditatem acceptare vellet, de pecuniis aliisque bonis, exceptis locis montium...

Et quavis in prima hujus causae decisione ponderetur, quod verbaliter denotantur non implent, sed compatibilia sint cum fideicommissio, utpote referibilia ad libertatem capiendi possessionem propria auctoritate, ac abique necessitate obtinendi ab herede restitutionem realem, vel verbalemente de iure requisitam, ut in specie advertitur apud Buratt. dec. 168. n. 23. cum seq. & dec. 246. n. 35. p. 5. rec. Atamen motum non intrabat ex defectu applicationis...

ROMANA LEGATORUM P R O JOACHINO ROTA C U M ECCLESIA DE ARA COELI.

Causa disputata coram A. C. resolutus pro Ecclesia.

An ad effectum adicationis, seu juris accrescendi, vel non decrecendi, substitutio reguletur jure institutionis, vel primae dispositionis, ita ut non data substitutione universalis, vel ad data, & caducata, substitutio particularis in usufructu, vel alia re particulari efficiatur universalis, eo modo, quo de prima institutione sequitur; Et incidenter, An institutus heres in usufructu post cuius mortem alter sit vocatus ad proprietatem, dicatur heres pleno jure, ita ut vocatus post ejus mortem censatur substitutus tam ad effectum adicationis, quam deactivationis, & alios, vel potius habeatur jure legatarii, alter autem censatur heres directus ab initio.

S U M M A R I U M.

- 1 Facti series.
2 Institutus in usufructu, non dato alio herede in proprietate, remanet heres in totum.
3 Quid de substituto in usufructu, si datus non est alter substitutus in proprietate.
4 De differentia inter casum, de quo num. 2. & alterum de quo num. 3.

- 5 An substitutio in usufructu referenda sit ad causam impletam etiam proprietatem.
6 Testatores sepe omittunt ea, quae jam cogitaverant, & decreverant.
7 De questione, an institutus in usufructu, post cuius mortem alter sit vocatus ad proprietatem, dicatur interim heres pleno jure, alter vero sit substitutus, vel potius iste sit heres directus a principio ad plures effectus.

D I S C. CX.

J Oannes Dominicus de Scholis, haeredit instituit Hortensiam matrem, cui quocumque mortem substituit in usufructu Joannam, & Martham sorores, nullo dato substituto in proprietate; Cum autem dicta Hortensia instituit praefatas Joannam, & Martham ejus filias, quaedam legata fecisset, praesertim ad favorem Ecclesiae nuncupatae de Araceli, ad quorum solutionem pulsatus Joachinus dictarum mulierum cessionarius, vel successer coram A. C. illam negabat ex eo fundamento, quod cum omnia bona in dicta Hortensia haereditate remansissent provenirent a praefato Joanne Dominico, idcirco spectabant ad dictas Joannam, & Martham sorores jure proprio in vim dictae substitutionis, dum in facto supponebatur legitimam matri competentem esse jam consumptam, cum dicta substitutio concepta esset in solo usufructu, nullo alio dato substituto in proprietate; Hinc proinde, quemadmodum in prima institutione habemus in jure receptum, ut institutus in solo usufructu, non dato alio herede in proprietate, vel data institutione, sed caducata, ille remanet heres in totum, ac pleno jure, ad text. in l. 1. §. si in fundo, ff. de heredi. instituen. & firmant scribentes collecti per Bellon. jun. de jure accresc. cap. 7. §. 10. n. 20. Rovit. dec. 26. n. 5. & dec. 43. num. 12. Et consequitur in idem ea quae de instituto in re particulari, ut remanet heres universalis, si non dato, vel caducato, habentur supra in Romana restitutionis dotis disc. preced. Ita dicendum sit in substitutione.

Et in hoc scribens pro reo convento, tanquam Advocatus adducebam specialem auctoritatem Menoch. conf. 637. num. 1. cum seq. ubi agendo in specie de substitutione idem firmat, ex eisdem rationibus quibus dicta praecedens conclusio innititur, ita supponendo eandem rationem, seu proportionem; Cumque in contrarium nulla allegaretur auctoritas specialis, hinc exaggerabam propositionem per ora pragmaticorum quotidie voluntatem, quod doctrina specialis, non docto de contradictorio, in judicando habenda est pro casu legis, atque si contigisset causam tractari coram aliquo ex illis, qui pernentent ratiocinatio, immorantur in sola doctrina, qualis qualis sit, inspicendo, An ille Doctor dicat, vel non dicat, non autem an bene, vel male, neque reflectendo praesertim ad eam qualitatem, an loquatur in Consiliis ad causam opportunam, probabilibus pro hac parte judicatum fuisset; Verum quia casus dedit iudicem esse ingeniosum, ac procedentem potius cum rationibus, & principiis juris, idcirco neglexi auctoritatem, utpote male fundatam, ac doctrinam venalem; Et reflectendo ad veritatem, laudavi iudicium, utpote iuxta meum sensum ab initio iuxta consuetudinem sincere insinuatam clienti, qui aliquam habens peritiam in legali facultate, omnino voluit eam deduci.

Clarum siquidem videtur aequivoce applicare terminos primae institutionis, substitutionis oblique, seu fideicommissariae ob magnam diversitatem rationem militantem inter unum casum & alterum; In primo enim idcirco institutus in usufructu, vel alia re particulari, non data, vel caducata institutione universalis, esse beneficium juris accrescendi, vel non decrecendi, seu alias ex legis dispositione pro testamento substituendo, efficitur heres in totum, quia una & eadem dispositio non debet diverso jure censi; Fortius vero ad evitandum absurdum, ut quis deccat per parte testatus, & pro parte intestatus, quod in pagano implicat; Haec autem ratio non intrat in substitutione obliqua, seu fideicommissaria praesupponente primam institutionem jam effectum sortitam, quoniam nil prohibet legatario, vel instituto in re particulari aliam legatam transmittenti ad ejus haereditatem extraneum dari particularem substitutum, quamvis haereditati universalis nullus substitutus denur, dum haereditas transmittitur ad ipsius haereditis haereditem, etiam jure testati, & non intrat dictum absurdum; Unde mirabar, quod Doctor aded qualificatus ut est Menoch. id assereret, motus ex conclusionibus in suo casu veris, sed non bene applicabilibus ad casum, nisi cum excusaret consuetudo Consulenti habentium necessitatem respondendi pro cliente ad...

causa opportunam; Ideoque magis ac magis edocentur, quam circumspicere procedendum sit in deferendo Consulenti auctoritati.

Aliquam majorem probabilitatem, sive probabilitatis apparentiam habere videbatur alterum motum, quod pariter tanquam Advocatus in ista causa deducebam, ut scilicet haec substitutio facta per testatorem ad favorem ejus mortem post mortem matris, quamvis in istis verbis concepta esset in usufructu, intelligenda esset etiam de proprietate, cum verbum, usufructus, duplicem habeat significationem, formalis scilicet importantis simplicem servitutem pro sola perceptione fructuum abique aliqua participatione proprietatis, quae penes alterum praesupponenda est, & causalis involventis etiam proprietatem, quam in jure novum non est sub usufructu legato, vel alia dispositione quoque venire ad text. in l. Proculus, ff. de usufructu cum concordant. quae antiquioribus relatis deducuntur per Menoch. lib. 4. praesump. 133. Bellon. jun. de jure accresc. cap. 7. §. 16. n. 379. & seqq. Castill. de usufructu, cap. 20. Buratt. dec. 24. & 45. & habetur pluries deductum sub tit. de servit. ad hanc materiam usufructus.

Quoque talis esset verisimilis testatoris voluntas, deducebam ex eo, quod improbabile esset, testatorem cogitantem de superexistencia germanarum fororum matri, ac de existentia bonorum, quorum voluit sorores esse usufructuarias, voluisset ejus bona potius transire debere ad extraneos, in quos ipsa mater disponeret, quam ad proprias sorores, ita forte in solo usufructu substitutas, eo quia animum haberet eisdem post mortem alium dare substitutum, quem postea omisit, cum saepe testatoris mortis cogitatione turbaret, sive a morbo afflicti, omittit se solent ea quae cogitarent, ac decreverant ad text. in l. Titius Lucius, ff. de liber. & posthum. ubi scribentes, & l. mulier, ff. ad trebell. cum concordant. per Mant. de consuet. lib. 3. tit. 19. num. 8. cum seqq. Fulgar. q. 284. n. 4. & habetur particulariter actum infra in Tuderina fideicommissi de Accursis disc. 115. Verum quamvis inspecto solo sensu naturalis id aliquid haberet probabilitatem, Attamen cum alia non concurrenter conjectura, vel adminicula, ista sola non videbatur ad id sufficiens, ideoque mihi quamvis succumbenti, visum est iuste illam fuisse rejectam.

Ocasione autem hujus disputationis, actum etiam fuit de articulo, An institutus in usufructu, post cuius mortem alter sit vocatus ad proprietatem, dicatur heres in totum ac pleno jure, ita ut alter post ejus mortem vocatus, jure substituti potius censendus veniat, vel potius talis institutus haeredit usufructuarius haberi debeat jure legatarii, alter vero dicatur heres in proprietate ab initio, cuius questionis plures sunt effectus; ille praesertim, ac praecipuum adicationis, quod scilicet praemortente illo, qui vocatus est post mortem instituti in usufructu, restitatur caducatio hujus vocationis, si haec in substitutionem obliquam, seu fideicommissariam resolvenda esset, secus autem econverso. Ista vero quaestio, per iudicem solum ex ingenio movitae, excitata fuit ad effectum inspicendi, an a simili id posset huic parti in aliquo suffragari, ut substitutus in usufructu dici posset substitutus in totum; Verum quamvis ad ortum deducerem plura quae desuper haberent ad favorem usufructuarii, ut interim censi debeat jure heredis pleno jure, per fideicommissum gravari restitueri ei, qui post ejus mortem vocatus est, deducendo ea, quae pro ratione dubitandi pro hac opinione deducta habentur per Bellon. jun. de jur. accresc. cap. 7. §. 16. Capyc. Latr. consil. 112. Marcian. jun. disput. 99. late Rota apud Merlin. dec. 505. alias dec. 22. par. 6. rec. Attamen considerabam in anem esse hanc inspectionem; Tum quia admissa etiam hac opinione, nullus erat ejus effectus in casu, de quo agebatur, a quo verè dicta quaestio erat extranea; Tum etiam quia, ut alias in precedentibus non semel insinuatam, quicquid desuper in Scholis, & Academicis in ratione disputationis in ista quaestione dici posset, in foro tamen obique, praesertim in rotam & Curiam, recepta est opinio, ut institutus heres in usufructu, habeatur jure legatarii, alter vero post ejus mortem vocatus dicatur heres directus ab initio, ut apud proximè allegatas auctoritates, & decisiones, ac habetur particulariter actum sub tit. de legitima & detractionibus in molend. praedii occasione agendi de detractione trebellianicae; An competeret necne hujusmodi institutio in usufructu, post cuius mortem alter sit institutus in proprietate, in qua causa, Rota occasione firmam incompetentem dictae detractionis, hanc opinionem cum magna discussione firmavit ad eam certam, ut neque dici posset quaestio talis dubietatis, quod suffi.